



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

**Titulus IX. De Feriis.**

---

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

quibusdam locis non adeò strictè observari, sed ex superabundanti indulgeri aliam dilationem *sub pena præclusi*, ut ajunt: quam praxim pro justa habere nolim, nisi Pars terminum elabi finens afferat causam, quæ contumaciam purget; quia alteri Parti per negligentiam compartis, in termino non agentis, videtur esse ius quæsitum, ut in causa pergatur.

## TITULUS IX.

*De Feriis*

## SUMMARIUM.

1. Quid & quotuplex sint Feriæ.
2. Quis eas instituere valeat.
3. 4. Quinam actus in Feriis exerceri possint, vel non.

**F**eriæ, nimirum Judiciales, sunt dies, in quibus à strepitu forensi & contentiosæ jurisdictionis aëtibus, qui nempe excentur à Judice pro tribunal sedente, conquiescere oportet, c. 5. l. 5. ff. b. t. Aliæ sunt ordinariae seu solennes, quæ quotannis ordinariè solent celebrari, & statim diebus velut definitæ recurrent: aliæ autem extraordinariae seu repentinae, quæ nulla lege stabili, sed extra ordinem & pro negotiorum occurrentia repente seu inopinata emergente indicuntur à Principe vel Magistratu, v. g. ob partam viatoriam, adventum Principis, grassantem pestem &c. Ambæ subdividuntur in Sacras, seu ad DEI

Pars I,

A a

vel

vel Sanctorum ordinatas cultum, quales sunt omnes dies Dominici & alii, qui festivè celebantur in foro, tota hebdomas sancta, & Paschatis. Ac in Profanas, quæ ex causa profana & ob utilitates vel necessitates humanas vel statis temporibus observantur, ut feriæ messis, vindemias, vel extra ordinem indicuntur ob pestem, vel publicam lætitiam &c.

2. Dico 1. Ferias sacras instituere possunt soli Principes sacri seu Ecclesiastici, nempe Papa pro universali Ecclesia, & Episcopi per suam diœcensem. Profanas autem Principes & Magistratus sacerdtales pro suo territorio. Pars prior sumitur ex *can. 1. d. 3. de consecr. c. fin. h. t.* quia Laicis de rebus Ecclesiasticis nulla est attributa potestas, quos obsequendi manet necessitas, non auctoritas imperandi, ut loquitur *c. 10. de confit. & c. fin. de reb. Eccl. alien.* Episcopus de Jure indigeret consensu Capituli & consilio populi. per *can. 1. & c. fin. citt.* ex consuetudine tamen dicunt non requiri consensum Capituli, aut populi consilium, sed sufficere ajunt consilium Capituli. Pars posterior ex *l. 4. C. h. t.* & ibi gl. ac DD. *Objic.* 1. Instrumentum Pacis Religiosæ & Osnabrug. *Art. 5. §. 30.* jus Sacrorum annexit Superioritati territoriali etiam Principum Sæcularium, 2. abstinere à Judiciis & strepitu forensi nihil est spirituale: ergo hæc abstinentia præcipi potest à Potestate Laicali. 3. Magistratus Laicus potest votum facere de celebranda alicujus sancti festivitate in foro: ergo etiam hujusmodi legem ferre; cùm votum sit lex privata. *R. ad 1.* Illa Comitia ex meritis ferè Laicis constituta, nihil de Religione & Sa-

& Sacris potuerunt statuere. Dein ibi aliud jus  
sacrorum vel potestas circa sacra non tribuitur su-  
perioritati territoriali, quād nullus Status  
immediatus Imperii in exercitio Religionis pro  
suo territorio impediri posse, & quod nullus alie-  
næ Religionis à sua exercitium in sua Ditione  
pati teneatur, relicta tamen potestate subditis,  
qui à Religione sui Domini dissentunt, emigrandi.  
Si Acatolici plus sibi arrogant, mirum non est,  
quia nullam amplius habent Superioritatem verè  
Ecclesiasticam, postquam à vera fide defecerunt,  
& Episcopi Catholico ritu olim ordinati desierunt.  
Ad 2. *dift. ant.* nihil est spirituale, nisi ratione finis  
ordinetur ad cultum DEI & venerationem Sancto-  
rum. C. secus N. *Antec.* & sub data distinctione  
*Consequentiam.* Ad 3. facere votum non requi-  
rit jurisdictionem sacram, bene tamen ferre legem  
circa rem sacram. Votum neminem ligat nisi vo-  
ventes & consentientes; bene tamen lex.

Dico 2. In feriis sacrī regulariter ita prohibi- 3  
tum est exercere actus Judiciales jurisdictionis  
contentiosæ, ut etiam invalide exerceantur. 2.  
obstante, quād Partes consentiant. 3. Idem est de  
feriis profanis ob causam publicam constitutis.  
4. si tamen utilitatem privatorum spectent, ut  
feriæ messium & vindemiarum, & Partes consen-  
tiant, validè ac licite exercentur. Pars I. habetur  
*c. 5. b. t.* Pars 2. *c. 12. de for. compet.* ubi dici-  
tur, quād Juri publico, vel publicam utilitatem  
vel causam spectanti, pañis privatorum derogari  
nequeat. Pars 3. *l. 1. §. 1. ff. b. t.* & *d. c. 12.*  
Pars 4. sumitur ex *c. 5.* & *c. 12. citt. l. 29.* *C. de*  
*Pactis.* quia quilibet renuntiara potest favori pro-

pter se principaliter concessio. Cæterum in pri-  
mo membro dixi 1. regulariter; nam excipitur  
1. si instituatur Judicium Summarium, Clem. sape  
2. de V. S. si nimis ferae ob necessitatem ho-  
minum sint indultæ. 2. si aliud exigat necessitas,  
vel periculum sit in mora, ut si ex dilatione foret  
periculum, ne res pereat vel deterioretur, debitor  
fugiat, testes non amplius comparere valeant: si  
procedendum contra latrones: si petantur, vel  
constituantur alimenta: si rusticani homines, mul-  
tum remoti, vel laboribus occupati necessariis,  
sine notabili incommodo comparere neque-  
ant nisi in fériis &c. cùm necessitas etiam privata  
**ex illico faciat licitum.** c. 4. de R. J. 3. si aliud  
exigat Pietas, saltem accedente periculo ex mora;  
sic causa miserabilium personarum, mercedum,  
pacis & concordiae, imò omnes piæ & Reipublicæ  
causæ, in fériis tractari poterunt. per can. 17.  
caus. 22. q. 5. l. 43. ff. de Relig. & sumpt. fun.  
Dixi 2. **Actus** *Judiciales jurisdictionis contentio-*  
*sæ*, uti sunt citatio à Judice pro tribunali se-  
dente mandata, citatio per injectionem manu-  
um, vel per publicam proclamationem fa-  
cta, cognitio causæ in Judicii loco, deposi-  
tio testimoniū saltem jurata, sententiæ publicatio,  
& probabiliter etiam oblatio libelli, executio ci-  
tationis per apparitorem &c. Non tamen actus  
jurisdictionis voluntariæ, saltem si non requirant  
cognitionem causæ, uti est concessio privilegio-  
rum, absolutio, dispensatio, tutoris vel curatoris  
designatio, instrumentorum confectio, emanci-  
patio &c. text. & DD. in c. 5. cit. l. 2. ff. & l. 7. c.  
b. t. Item si actus ne quidem *Judiciales* sunt, uti  
appel-

appellatio, ferre arbitramentum (aliud est de actibus & laudo arbitri, quia hic instar Judicis procedit. l. 1. ff. de receptis. & l. 7. cit.) ferre censuras, si opus non sit cognoscere de causa, vel citare censurandum.

Dico 3. In feriis sacris prohibetur quidem 4 etiam mercatus, & opera servilia. c. 1. & 3. h.t. præcipitur econtra auditio Missæ, cc. var. de celebr. Missar. Sed de Mercatu, quo nomine hic præcipue veniunt publicæ nundinæ, multa immutavit contraria consuetudo. De operibus servilibus & auditione Sacri consulendi sunt Theologi Morales.

## TITULUS X.

### *De Ordine Cognitionum.*

#### SUMMARIUM.

1. *Plures quæstiones in Judicio concurrere possunt.*
2. *Regulariter cognoscenda & terminanda sunt eo ordine, quo sunt propositæ.*

**C**ùm sæpius contingat plures quæstiones, sive ab eodem actore, sive ab utraque Parte propositas, concurrere in eodem Judicio tractandas, ut si Reus vicissim petat aliquid ab Actore, & tunc datur reconventio, de qua ad tit. de mutuis petitionibus suprà, vel excipit, & sic novam quæstionem per modum exceptionis, non actionis, proponit; ideo, ne oriatur confusio, præscribitur hic ordo, quo plures causæ inter eas-

Aa 3

dem